

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

Exegesis.

Flos in hortis alitur, qui non modò à Sole denominationem habet, sed & cum Sole convertitur. Cum diluculo ad solis ortum se invertit, inde paulatim in meridiem, & tandem in occasum; unde *Helioscopium* ille appellatur, eò quod caput cum sole circumagat; item, *Solsequium*, quia solem, quoquid se vertat, sequitur.

Hec imago est omnium fidelium. Quia enim à Christo appellationem habent, & Christiani dicuntur, Act. ii. v. 26. Hic quoque unicus eorum scopus est, in vita & morte, ut ad Christum se convertant, & ab eo opem, consilium, consolationem, tutelam & liberationem querant. Ipse enim Sol iustitiae est, Mal. 4. v. 2. & vera lux, quae illuminat omnem hominem venientem in hunc mundum, Joh. i. v. 9.

Videmus id in populo prælecti Evangelii, qui Christum certatum insequitur. Hancen miseri in tenebris federant, & quasi umbrā mortis, Matth. 4. v. 16. Sed jam Sole iustitiae exidente, ex arimo latantur, & Helioscopii naturam imitantur, sequentes Christum manē & vesperi, per integrum diem, adeo non capit ipsos fatigetas concionum Christi, ex quibus nihil nisi lucem & vitam hauriebant. Factum enim est, cum turbæ irruerent in eum, ut audirent verbum Dei, ait Evangelista.

Noshinc ansam apprehendimus, ad notitiam nostrī perdīscendam, considerantes:

I. *Populum auscultantem*, qui Christum sequutus est, non ex curiositate, sed ut audiaret verbum Dei, hujus audiendi tantō fervore tenentur, ut vi irruant, ut quilibet proximus Christo esse, contendat, sicut vox *Amoris* indicat: quæ causa quoque est,

ut Christus Petrum rogaverit, ut navim à terra pusillum reducere velit, quo eò commodius turbam de navicula docere possit.

Hunc zelum & nos imitemur, qui enim ex Deo est, verbum Dei audit, Joh. 8. 47.

Hic sé unusquisque interroget, an, ut officium suum requirit, tanto ardore verbum Dei audierit?

Vetusissima consuetudo fuit, ut certæ personæ à Deo constituta fuerint, quæ verbum ejus prædicarunt. Ipse filius Dei primus Concionator in paradiſo fuit, & partim ante lapsum Concionem legalem, Gen. 2. v. 16. 17. partim post lapsum concionem Evangelicam de benedicto mulieris semine habuit. Deinde munus hoc hominibus demandavit, sicut expreſſe memoratur, quod tempore Sethi cœptum sit prædicari de nomine Domini: non, quasi ante id factum non sit, sed postquam impictate Caini cultus Dei labefactus erat, tum temporis fortè arula exstructa fuit, ad quam homines congregati sunt, ad verbum Dei audiendum, & preces fundandas, sicut B. Luthe-rus in margine explicat, Gen. 4. v. 20.

Sic Apostolus Judastestis est, quod Enochus jam tūm suo tempore de extremo iudicio concionatus fuerit, ep. Jud. vers. 14.

Noah expreſſe præconis iustitiae titulo insignitur, 2. Petr. 2. v. 5.

Melchisedeck Sacerdos Dei altissimi dicitur, Gen. 14. v. 18. Abraham ædificavit altare in terrâ Canaan, & invocavit nomen Domini, Gen. 12. v. 8. Lotus Sodomitis prædicavit, Gen. 19.

Post tempora Patriarcharum, divinum Numen Mosen, magnum Prophetam excitavit, qui non solum verbis Israëlitas docuit: sed & Dei iussa in libro consignavit, & posteritati reliquit: iste liber à temporibus

Dominica V. post Trinitatis.

262

bus antiquis in singulis civitatibus, in synagogis per omne sabbathum lectus est,
Act. 15. v. 21.

Huic successerunt Vates illuminatissimi, Samuel, Elias, Esaias, Jeremias, & alii plures, qui non modò verbum Dei docuerunt: sed partim etiam scriptis mandarunt, & ratione scriptorum relictorum, Majores & minores appellati sunt: hi usque ad Johannem prophetarunt, Matth. 11. v. 13. Et statim venit ad templum suum dominator, Mal. 3. v. 1. qui non modò ipse totam Iudeam & Galilæam circumivit, docens in synagogis eorum, & prædicens Evangelium regni, Matth. 4. v. 23. Sed ablegavit quoque discipulos suos in totum orbem, & jussit prædicare in nomine suo, penitentiam & remissionem peccatorum in omnes gentes, Luc. 24. v. 47. & adhuc hodiè Dominus messis est, Matth. 9. v. ult. qui dat Jerusalem Evangelistas, Esa. 41. 22. Dans quosdam Apostolos, Eph. 4. 11. 12.

Quia igitur Deus omni tempore tam operosus fuit in ministerio verbi constitendo: ex natura correlatorum nostrum erit, illud diligenter audire, scimus enim prædicatio frustra fieret. Nam ex auditu fides, Rom. 10. v. 17.

Quodsi igitur Spiritus sanctus per verbum prædicatum in cordibus nostris fidem accendere & excitare debet, collectionem nostram non deseramus oportet, Hebr. 10. v. 25. Sed sedulò conveniamus, in eo loco, in quo memoria nominis Dei est, Exod. 20. v. 24. Aures ne obturemus, quando Magnalia Dei in fugge stu proferuntur, sed cum Samuele dicamus: Loquere, servus tuus attendit, 1. Sam. 3. v. 9.

Hoc hodiè parvi aestimatur, & tamen præcipuum est, imò unicum necessarium, quod observare debemus, Luc. 10. v. ult.

Turbæ in Evangelio irruerunt in Christum, ut audirent verbum Dei. At hodiè id rarius fit, hinc patet fervorem antecessorum nostrorum planè frigere. Sed indicium pessimum est! Qui enim verbum Dei non audit, ex Deo non est, Joh. 8. v. 47. sed pertinet ad synagogam satanæ, Apoc. 2. 9. & tandem cum divite epulone, qui itidem Mosen & Prophetas audire renuebat, venient in locum tormentorum, Luc. 16. 23. & prenas dabit, interitum aeternum, a facie Domini & a gloriâ virtutis ejus, 2. Thess. 1. 9.

II. *Petrum laborantem*, dicit enim se per totam noctem laborantem, nihil cepisse: tandem laxat in verbo Christirete suum, & concludit piscium multitudinem copiosam.

Hic considerandum venit

I. *Auspicium*, non enim piscaturam suam sapienter orsus fuerat: sed magis in artis peritiâ, quam in Dei gratiâ & benedictione speraverat: sicut adhuc hodiè ejusmodi homines occurruunt, qui omnia in sapientiâ & arte suâ collocant, non cogitantes in benedictione Dei omne momentum suum esse. Non velocium est cursus, Eccl. 9. 11.

2. *Dispendum*, per totam enim noctem frustrâ laborando, nihil ceperat. Hæc nox fuit laboriosa & infelix. Alias pescatores ex experientiâ norunt, quod nocte tranquillâ opportunissimum piscaturæ tempus sit: sed hic ex voto succedere noluit, quia Petrus sine auspicio Dei rem aggressus fuerat. Idem hodiè non rarò Mechanicis contingit, ut orationis oblii laterem lavent, dicentes cum Petro: Nihil cepimus, Psal. 112. v. 1. 2. ult.

3. *Artificium*, quod à Christo didicit. Quia enim Christus eum jussit in altumducere, & laxare rete: noluit mandatum hoc contemnere, sed dixit: In verbo tuo laxabore, & conclusit multitudinem piscium copiosam.

Sic

Sic nos fideliter laboremus, quilibet in vocatione & functione suâ: sed quod bonum est, operemur, Eph. 4. v.28, ut ad Dei gloriam & proximi emolumentum vergat. Omne quocunque facitis in verbo, aut in opere &c. Col. 3.v.7.

Hic velim, examines te, mi Christiane! annon quandoq. cum Petro, rete intempestivus, aut also modo inconveniente laxaveris?

Nemo hic facile sese excipere poterit.

Multi virtute & robore, multi arte & peritiae suâ nituntur, neq; Dei adjumento indigere sc̄. sibi persuadent, sicut Ajax Telamonius, qui parenti ad preces eum exhortanti hoc responsum dabat, ut Homerus testatur:

-- Ignavi vincant auxiliante Deo.

Alii rete suum in Diaboli nomine laxant, nec modò maledicunt, quando benedicere debabant, sed utuntur etiam iniquâ ulmâ, mensurâ & pondere, omnia ad lucrum componentes, & undecunque etiam ex malo acquirentes, Sap. 1 §.v.12.

Hic tenuis successus sperandus est: Non enim potest accipere quicquam, nisi fuerit ei datum de celo, Joh. 3. v.27. Sin autem dari sibi debeat, ordinatè querat oportet, per Ora & labora, quæ conjuncta esse debent, quoniam si quis non vult operari, nec manducet, 2. Thess. 3, 10. Omnia vero sanctificantur per verbū & orationem, 1 Tim. 4.v.5.

Observent hoc :

1. Pastores in Ecclesiâ, ne in arte & eruditione suâ confidant: sed in nomine Domini recte laxent, nisi inanem operam navare velint. Non enim sufficientes sumus à nobis, quasi ex nobis: sed Spiritus sanctus nos idoneos facit, ministros novi testamenti, 2. Cor. 3,5. Unde pius quidam Theologus sub initium concionis ita orsus est: Pater cœle-

stis, sine tuo Numine, nihil est in homine vigoris: Fili Dei, sine tuo sanguine nihil est in homine honoris: Spiritus sancte, sine tuo lumine nihil est in homine amoris. Si ita fideles ecclesiæ ministri precationibus labore suum inchoabunt, Deus benedictionem suam largietur, ne labor eorum inanis sit, in Domino, 1. Cor. 15.v.ultr.

2. Gubernatores in Politia, ne sapientia & potentia suâ superbiant, sed in nomine Christi & ipsi rete suum laxent, & Deum oreant, ut sibi det cor docile, ut populum rectè judicare possint, & discernere inter bonum & malum, 1. Reg. 3.v.9.

Hoc ita fieri optandum foret! Sed quam parum observetur, B. Lutherus inter alia indicare voluit, verba ejus, quia scita sunt, Germanicè hoc transcribere minus piget: In vielen Regimentern gehets also zu: Da sitzen ein König / Fürst und Regent für sich selbst weise und klug/ und hat die Sach gefast bey allen fünf Zippeln. Darzu kommt denn ein Jurist mit seinem Buch/ und findet das Recht häufig drinnen geschrieben/ so gewiß und klar / dass es nicht fehlen kan/ darnach ein grosser Hans/dem das Haupt viel zu klein ist für grosser Vernunft und Weisheit / der findet im Naturlichen Recht so gegründet / und tieff eingewurzelt/ dass es alle Welt nicht könne umbreissen. Zuktz/ läuten sie alle zusammen/ und brünen die grosse Glocken mit zu/das ist ein Prälat / Bischoff oder Theologus , Er sey selbst gewachsen / oder sonst gemacht/ der bringet Gott's Wort/ und die Heil. Schrift. Da sitzen dann die vier Seulen des ganzen Königreichs oder Regiments/ die auch wol den Himmel tragen könnten. Da ist keiner/der hinauff gen Himmel seufzete/und suchte Rath und That bey Gott/ DAN

Dominica V. post Trinitatis.

264

dann sie es verächtslich vergessen / als die es nicht bedörffen. Also muß denn unser Herr Gott dieweil droben müßig si-chen / und darffin solcher kluger Leute Rath nicht kommen / und schwätz dieweil mit seinem Engel Gabriel / und spricht: Lieber / was machen doch die weisen Leute in der Rath-Stuben / daß sie uns nicht auch zu Rath nehmen? Sie sollen noch wol ein- mahl den Thurn zu Babel bauen wollen. Lieber Gabriel / fahr hin / und nim Esaiam mit dir / und liese eine herrliche lection zum Fenster hinein / und sprich: Mit sehenden Augen soll ihrs nicht sehen / und mit hören- den Ohren soll ihrs nicht hören / und mit verständigen Herzen soll ihrs nicht verste- hen. Weschließt einen Rath / und es werde nicht drauß / beredet euch / und es bestehet nicht / & factum est ita, So sols geschehen.
Hactenus Lutherus.

Hæc verba Lutheri non insuper haben- da sunt, sic enim & non aliter evenit, quan- do sine Deo consilia ineuntur, ut Deus be- nedictionem subtrahat, & plerumque male succedat. Ideo optandum sane foret, ut in omnibus judicis, Consistoriis & Curiis hoc exemplum Petri parietibus inscribe- retur, ne sine Dei invocatione temerè con- sultarent, & agerent, nec dubitandum, quin ex voto feliciter quodcumq; successurum sit. Verum enim manet, quod cœlestis sa- pientia ait: Meum est consilium, & poten- tia, ego sum intelligentia, mea est fortitu- do, Prov.8.v.14.15.

3. Patres familiâs in Oeconomia. Quam- vis enim sep̄ dura & difficultia multa ibi vi- deantur, tamen fidelis oratio omnia tempe- rare & benedictionem à Deo impetrare va- let, ut Davidis illud velut verificetur: La- bores manuum tuarum manducabis: Beatus

es, & bene tibi crit, Psalm. 128. vers. 2.

Si ita res nostras instituemus, & Deum in omnibus Autorem adlibebimus, erit ille nobiscum omnibus diebus, usque ad consummationem seculi, Matth. 28. v. ult. omne consilium nostrum confirmabit, Ps. 20. v.5. labori nostro benedicet, Luc. 5. v. 6. dabit nobis petitiones cordis nostri, Psal. 37. v.4. & tandem eò transferet, ubi requiescemus à laboribus nostris, Apoc. 14. v. 13. sabbathum ex sabbatho cele- brantes, in sempiternum, Esa. 66. v.23.

III. Societatem concordantem, quia enim piscium tanta copia erat, ut Petrus solus re- te cum piscibus in navem attrahere non posset, idèo annuit sociis, qui erant in aliâ navi, ut venirent, & adjuvarent se, qui & promto obsequio succurrerunt. Hoc in- dicium est, quid in bonâ gratiâ fuerint, & sibi invicem omnem benevolentiam pre- stiterint. Hoc ipso nos instruentes, ut & nos tempore necessitatis, proximum non derelinquamus, sed omnia pietatis, amoris & benevolentiae opera ei exhibeamus. Ubi enim fratres in unum habitant, illuc man- davit Dominus benedictionem, & vitam, usque in seculum, Ps. 133. v.1. ult.

Hic proba te, utrum & tibi cum proximo tuo bene conveniat, eidemq; ad salutis sua promotionem adjumentum sine tergiversa- tione conferre, semper promtum te exhibueris?

Hoc quidem æquitas ipsa requirit, sed friguit caritas multorum, Matth. 24. v.12. E contrario vero invidentia tantas radices egit, ut semper alter alteri fortunam suam invideat, & ubi emolumentum ejus, cari- tate Christianâ ita requirente, promovere deberet, potius impedimentum objicit, cogitans iniquitatem, & tractans mala su- per

per cubile suum, ut ea luce matutinâ perficiat, Mich. 2. v. 1.

Si prosperam ei fortunam Deus largitur, vix ex viginti unus est, qui ei ex animo gratuletur, nemo non est, qui malit sibi melius esse quam alteri, Omnes que sua sunt, querunt, Phil. 2. v. 21.

Quodsi verò rete rumpitur, & benedictio Dei evanescere videtur, itidem nemo est, qui ei ex animo condoleat, potius voluptatem capiunt ex proximi incommodis, dicentes: Euge, euge, viderunt oculi nostri, Psal. 35. v. 21. non est enim veritas, & non est misericordia, & non est scientia Dei in terrâ, Of. 4. v. 1. Sed vir fratrem suum decipit. Jer. 9. v. 5. 6.

Regiones quidem inveniuntur, ex quibus lupi exulant, sicut in Britanniâ, & insulae in quibus animalia non inveniuntur venenata, ut de Cretâ historiæ memorant: at in toto orbelocus nullus est, in quo invidia non regnet, contemplatus sum omnes labores &c. Eccl. 4. v. 4.

Sed vitium est turpisimum, quod omnes Christiani cane & angue pejus fugere debent. Invidus enim sibi ipsi documento est, primo ratione corporis, juxta Flaccum:

Invidus alterius marcescit rebus optimis. Velut enim arugo ferrum consumit: sic putredo ossium, invidia, Prov. 14. v. 30. Deinde ratione animæ, quam hoc ipso præcipitat in barathrum æternæ condemnationis. Inimicitæ enim, invidiae, xmulationes, iræ, rixæ sunt opera carnis, qui talia agunt, regnum Dei non hereditabunt, Gal. 5. v. 20.

De Secundo.

Transibimus nunc ad alteram partem, *χριστογνωστι*, sive notitiam Christi, contemplaturi. Hic nobis considerandus proponitur:

I. Tanquam bonus concionator,

1. Ratione sedulitatis, quavis enim occasione fideliter munus suum extulat, ubique homines se offerunt, qui verbum audiant, non cessat idem prædicare. Hic navi pro suggestu usus, egre iam concionem ex illa ad populum habuit. Sic semper diligens fuit in opere, ad quod in munus missus erat.

Hoc olim præcipuum Episcoporum officium fuit, idè Paulus ad Timotheum, quem Episcopum in Cretâ constituerat, *feliciter* scribit: Prædicta verbū insta opportūne, importunè, argue, increpa, exhortare in omni longanimitate & doctrinâ. 2. Tim. c. 4. v. 2.

Quod etiam in primitivâ ecclesiâ fideli-
ter obierunt, sicut de Ludovico, Episcopo Tolosæ, qui Caroli Regis Gallia filius fuit, historiæ referunt, quod ecclesiæ ibidem præfuerit, verbo & exemplo:

Sed quid hodie Pontifex cum Episcopis & Cardinalibus suis facit?

2. Ratione veritatis, non enim prædi-
cavit inventa hominum: sed verbum Dei,
ut textus judicat.

Pharisei & Scribæ etiam concionabantur: sed plerque conciones eorum eotenebant, ut traditiones seniorum servarentur, & decimarentur, mentha & anethum, & cynamonum, relinquebant autem, quæ graviora erant legis, iudicium & misericordiam & fidem, Matth. 23. v. 23.

Idem adhuc hodie facere tenentur mi-
nistri ecclesiæ, ut omnia ex scripturis pro-
bent, & in lege testamenti Domini glorien-
tur, Sir. 39. v. 11. Ad legem & testimonium,
Esa. 8. v. 19. 20.

3. Ratione brevitatis, & cessavit loqui,
textus ait, nempe cum pensum suum ab-

L1 solviſ-